



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ
formulæ, tum Citationum, ac Monitionum pro validitate processuum
requisitarum, tum Decretorum, aliorumve actuum ad opportunitatem, &
ornatum materiæ incidentium; acceditque in calce Appendix miscellanea,
plura, ad Gubernium ...

Monacellus, Franciscus

Venetiis, 1709

Sententiæ declaratoriæ excommunic. contentæ in Const. Alexandri VII.
Felicis, Form. XLVI.

[urn:nbn:de:hbz:466:1-62433](https://nbn-resolving.org/urn:nbn:de:hbz:466:1-62433)

dem Clausuræ includi, vel dividi omnino faciant, si verò sint extrà septa, vendi, pretiumque in Monasterii utilitatem converti; nec in posterum alia similia aptari, ædificari, aut emi permittant. Quod si infrà dictum terminum Superiores Regulares præmissa cum effectu non adimpleverint, teneatur Ordinarius loci, tanquam Sedis Apostolicæ Delegatus, illa adimplere, & omninò exequi, etiam invocato si opus fuerit Brachii sæcularis auxilio.

§. 7. Veruntamen si Monasterium Sanctimonialium sit extrà mœnia Urbis, vel Oppidi, & Monasterium Regularium Virorum, quibus Moniales sunt subjectæ, sit intrà dicta mœnia, vel è converso, habeantur, vel conducantur, si commodè fieri possit, mansiones ad usum Confessarii, quæ non sint conjunctæ, seu contiguæ ipsi Monasterio Monialium, sed ab eo penitus disjunctæ, non solum per parietes, sed etiam per tecta: sin autem utrunque Monasterium sit intrà mœnia, & unum ab altero Episcopi judicio multum distans, tunc habeantur, vel conducantur hujusmodi mansiones, ut suprà distinctæ, & separatæ à Monasterio Monialium, distantia ab ipso Episcopo recognoscenda, & approbanda; ita tamen, ut in mansionibus

Confessoris, sive intra, sive extra mœnia constitutis, excepto Confessore cum suo Socio, alii Regulares, etiam si Superiores sint, minimè pernoscant.

§. 8. Si quis verò prædictorum Regularium aliquid contrà præsentium tenorem facere, vel moliri præsumperit, aut adimplere neglexerit, ipso facto penam excommunicationis, & privationis omnium officiorum, quæ obtinet, ac perpetuæ inhabilitatis ad illa, vel alia in posterum obtinenda, vociferaque activæ, & passivæ absque alia declaratione incurrat. Et nihilominus nullis privilegiis, & exemptionibus tueri se possit, quominus ab Episcopo loci, tanquam ad hoc Sedis Apostolicæ Delegato quoties, & quando opus fuerit, corrigi, & puniri valeat.

Quare constituto Episcopo de hujus Bullæ transgressione, poterit, vel Regulares excommunicatos denunciare, vel juxtà sibi traditam facultatem alio modo punire: aut si sibi expedire videatur eos excommunicare: cum certum sit, quod excommunicatus à jure, possit denuo excommunicari à Judice, *c. gravem 53. ibique gloss. verb. promulgare de sent. excom. Pirhing. in jus can. lib. 5. tit. 39. n. 110.* si primum remedium eligat, ad declarationem veniat modo sequenti.

Sententiæ Declaratoriæ.

F O R M U L A L X V I.

H Abita relatione nostri Promotoris Fiscalis de illicito ingressu P. N. Provincialis Ordinis N. (sive Confessarii) in clausuram Monasterii Sanctimonialium N. hujus nostræ Diæcesis sibi subjecti, sequuto sub die absque ulla nostra præsentia, & participatione: constituto nobis annum à die ultimæ Visitationis sui Antecessoris nondum esse completum: dicimus, & declaramus ipsum prænominatum P. N. Provinciale incurrisse in excommunicationem contentam in Bulla Alexandri Papæ VII. quæ incipit *Falci*, & propterea esse publicè denunciandum, ut ab omnibus evitetur, prout nos denunciari mandamus omni &c.

N. Episcopus N.

N. Aduarius.
SUM.

SUMMARIUM.

- 1 Delinquens mitius punitur in omit-
tendo, quàm committendo, & mi-
tius contra eum agitur per viam in-
quisitionis, quàm accusationis.
- 2 Confessarius Regularis Monialium, non
potest ingredi clausuram pro sepul-
tura, benedictione Cellarum, vel
exorcizzanda moniali.
- 3 Exorcizzatio Monialis à quo, & quo-
modo, & in quo loco fit faciendâ,

- demonstratur.
- 4 Signa Monialis Energumene referun-
tur, & n. 5.
 - 6 Dæmones Deo permittente, afficiunt
corpora hominum variis morbis.
 - 7 Cause, ob quas Deus permittit Mu-
lieres energumenas fieri, referun-
tur.
 - 8 Superior Regularis transgressor Bullæ
Alexand. VII. an à censuris ab Epi-
scopo comminatis appellet, osten-
ditur.

Sententiæ Declaratoriæ.

F O R M U L A XLVII.

HIC auctoritate ordinaria, quàm delegata, ut ab omnibus evitetur, de-
nunciatur, & declaratur excommunicatus majori excommunicatione P.
N. Provincialis Ordinis N. ex eo, quia anno nondum completo à die ultimæ Vi-
sitationis Monasterii Monialium N. nobis inconsultis, ingressus fuit cum Sociis
Clausuram dicti Monasterii contra formam, & prohibitionem expressam Con-
stitutionis Alexandri Papæ VII. quæ incipit *Falici*. Quare &c.

N. Episcopus N.

Loco ✠ Sigilli.

N. Actuarius.

V E L

CON auctorità tanto Ordinaria quanto delegata, acciocche sia da tutti evitato
si denuncia, e dichiara scomunicato di scomunica maggiore il P. N.
Provinciale dell'Ordine N. perche non essendo ancor compito l'anno del giorno
dell'ultima Visita del Monastero delle Monache N. senza nostra saputa, e la no-
stra presenza, è con i Compagni entrato nella Clausura di d. Monastero, contro
la forma, e proibizione espressa della Costituzione d'Alessandro Papa VII. che
comincia *Falici*. Che però &c.

N. Vescovo N.

Luogo ✠ del Sigillo.

N. Attuario.

L 4 AD.